

Qiioqi

Qallunaatut atia: Sølvmåge

Latiinerisut atia: *Larus argentatus*

Tuluttut atia: Herring Gull

Sorlernut ilaava: Timmissat

Timmiaqatai: Naajakkut naloraarusillit

Ilaqutai: Naajakkut

Naaja taanna
aasakkut Kalaallit Nunaata
sineriaaniittarpoq,
Kitaaniinnerusarluni.
Kitaata kujasissuani
avannamut Maniitsoq
tikillugu ikittuinnannguullutik
piaqqiortarput.

Ilisarnaatai

Naaja taanna naajaavoq angisooq qaqortoq
tunua qasertoq qaamasoq, suluisa
nuui qernertut. Niui qaserujuttuupput
aappalorujuttuullutilluunniit, siggui
sungaartuupput aappaluttumik
milallit. Angutiviaq anneruvoq.

Nerisai

Nerisarai aalisakkat, qullugissat, peqqut, naasukujit, timmissat piaraallu
aammalu silut igitallu. Suut tamalaat nerisarpai.



Paasissutissat

Uumaffii: Sineriak imarlu
Sului siaarlutik: 130-158 cm
Takissusia: 55-67 cm
Oqimaassusia: 750-1250 g
Sivisunerpaamik uumasarpoq: Ukiut 34
Manniisa amerlassusaat: 3
Manniliortarpoq: Ukiumut ataasiarluni
Ivasarpoq: Ullut 28-30
Piarai piaraasarput: Ullut 35-40

Nalunngiliuk?

Sumiiffitik qimajuitsuuat, angutivissat
sumiiffitik angutiviaqatiminnut
sakkortuumik akersuullutik illersortarpaat.
Inuunertik tamaat aappaqarajuttuupput.